

Inatsisartut suleriaasianni § 37, imm. 1 naapertorlugu, matumuuna Naalackersuisunut imaattunik apeqquteqarpunga:

**Naalackersuisunut apeqqutit:**

- 1. Naalackersuisunngortut isumaqatigiissutaanni anguniakkani takusinnaagakku allaqqasoq, Tasiilami kiisalu Ittoqqortoormiini mittarfiliortoqassasoq una qinigaaffik.**  
**Taamaammat apeqqutigerusunnarpoq qaqugu Tasiilami mittarfiliortoqarniarnersoq?**
  - a. Taamatullu assinganik aamma Ittoqqortoormiini qaugumitaava pilersaarutaappat?**
- 2. Sooq peqqutissaqanngittumik timmisartut taamaatiinnarneqartartut piujuarnersoq apeqqut, kiisalu angallanermut Naalackersuisup qanoq iliuuseqarfiginiarneraa apeqqutigerusunnarpoq.**

(Inatsisartunut ilaasortaq Gerth Mikaelson, Naleraq)

**Tunngavilersuutit:**

Taamatut apeqquteqarninni pissutaasut arlaqarput.

Naalackersuisunngortut anguniagaannik takusinnaagakku allaqqasoq, Tasiilami kiisalu Ittoqqortoormiini mittarfiliortoqassasoq una qinigaaffik.

Ataasiarnata takulerparput angallannerpaaffiup nalaanni aflysertoqaraangat Kulusumi, inuit amerlavallaaraangata unnuisarfimmi Hotelimi tamarmik inissaqartinneqarneq ajortut, tamatuma kingunerisarlugi allatut ajornartumik mittarfimmi unnuisitsisarneq pisartoq. Inersuarmi siniffiit siaartartut atorlugit. Pissutsit tamakkua ilungersunarluinnartuupput innuttaasunut angalasunut.

Nuummiit timmisartortussat ullormut allamut nuutsinneqaraangat helikoptereq allatut ajornartumik Kulusummut assartuisariaqartalartarpoq. Taamaalillutik nunaqarfinnut allanut angallassinissarluit eqqorneqartarput. Allaat inuit arlallit Kursuseriat, allanullu pisassaqarlutik angalaniartuugaluit taamaatitsiinartarput.

Nammineeurlunga qineqqusaariarninni misigaara Sermiligaami ullorpassuit aflyseqattaaratta, naak silagittaraluartoq allamut angalanissaq pissutaalluni angalanngitsoorneq pisartoq amerlasooriarluta misigaarput.

Timersortartut allallu nunatsinni sukisaarsaatitut ingerlasut anngutinngitsoortartut amerlasuut pinngitsoortarput. Taamaammat Tasiilami mittarfik atorfissaqartinneqartorujussuanngorpoq. Aamma piffissanngorpoq piviusunngortinnissaa. Asuli qineqqusaarutitut atorunnaarlugu.

Inunnik sullissineq eqaannerusoq anguneqassappat Tasiilami mittarfittaarnissaq pisariaqarlunnalerpoq. Massakkutut ingerlaaseq Tasiilami nunaqarfiinilu innuttaasut naammagiunnaarpaat taamatut ingerlariaaseq. Mittarfik pisariaqavippoq. Piviusunngortariaqalerpoq qineqqusaarutaanartut kiisa innuttaasut isgisaleqqavaat. Tmanna allanngorluinnartariaqalerpoq. Pimoorunneqartariaqalerpoq.

Sullinneqqarnerput uagut Tunumiorpassuit aamma angallanneq pitsaanerusoq atorfissaqartillunnarparput.

Massakkut angalaniarneq akisoorujussuuvoq helikoptereq atorlugu, assersuut; Tasiilamiit Nuummukarniaruma ilaqutakka tamaasa ilagigukkit inuit tallimaagutta Nuummuk siumut utimullu Helikopterimut ilaqutariulluta helikopterimut siumut utimullu 10.000kr sinnerlugu Billettita qaavatigut ilaqqittuaannarpoq. Taamaammat inuiaqatigiit pitsaanerusemik sukkanerusemillu akikinerusemillu angallattalerniassappata pisariaqavippoq Tasiilami mittarfittaarnissaq. Aflyseqattaarnerit amerlavallaaleraangata poortukkat pisariaqavissut Tasiilami, Kulusummi mittarfimmi uninngaanalertartut arlaleriarlutik nalaannikuuaat. Ilaatigut inuuniarnikkut pisariaqavissut uninngaanalertarput. Soorlu ukiukkat suliasat pinartut tikisittariaqavissut sanaartornermiippat, pisiniarfimmiippat imaluunniit allatigut, Kulusummi uninngaanalertarput.

Tasiilami mittarfeqalerpat qularnanngitsumik aamma timmisartoqarfimmi ilinniarusuttut amerlissapput. Ilinniaqqiffiusinnaasummi amerlasuujussapput. Praterfissat takkutissapput. Nalunngisara malillugu aamma inuit oqaaseqartarnerisigut arlallit nunartik qimakkusunnagu ilinnialeqqinngitsoortartut arlaqarput. Taamaammat aamma qularnanngilaq tassuunakkut ilinniartunngorusuttut amerliariaqqissapput.

Nalunngilluinnarpara naalakkersuisooqatigiilersut ilaannit Tasiilaminngaaneersumit aamma taanna assut qineqqusaarutaasimasooq. Taamaammat uani piviusunngoqqissanngippat tupinnassooq. Aamma taamatoqqissaaq Ittoqqortoormiini.

Massakkut Ittoqqortoormiit avinngarusimammat angallanniarnikkut suli ilungersunarnerulersimavoq. Island aqqusaqqartariaalluni pisarpoq. Kiisalu uani piniartut pisaminnik mamaq fragt aqqutigalugu tuniniaasinnaangillat. Naak nuna sinnerani taanna atoriaannaasooq. Piniartut Ittoqqortoormiini periarfississagutsigit piaartumik mittarfiliorneq aallartittariaqarpoq. Piffissanngorpoq piviusunngortinnissai. Kinguarsaqqinneqarsinnaajunnaarput.

Timmisartut arlalippassuit Nuummiit taamaatittartut amerlavallaarujussuarput. Amerlasooriarlutik malugisimavaat timmisartooq “Teknikikkut ajoquteqarnaariarlugu” illoqarfimmut allamut atorneqaqqittarnera. Tamakkua piunnaassappata isumaqarpunga angallannermut inatsimmi piumasaqarnerusariaqalersugut. Taamatut iliortarnej Tunumi innuttaasut nuannariunnaaqqavaat. Assigiimmik pineqarnissaminnik piumasaqarput Tasiilami nunaqarfiinilu. Immikkoortitaasutut misigisarput assut. Tamakkua pisarunnaarnissaannik assigiinerusumik piumasaqaatitaqalernissarput ersarissumik noqqaassutigaarput. Nuanninngilaq allaanerusumik pineqartarnerput. Taamatut nipilerlugu innuttaasut facebook aqqutigalugu naammagittaalliortut takujuartalerpagut. Ingammik silagitsillugu atorsaatillugu taamaatitseriarluni oqarluni “Sila ajornera peqqutaalluni aflysernej piosooq”. Tamakkua takornartaajunnaarput. Taamaammat pisariaqavippoq assigiimmik suliniuteqarnissaq. Aamma neriuppunga angallannermut Naalakkersuisup tamanna eqqaajumaaraa.

Apeqqutigineqartut ullut suliffiusut qulit (10) iluanni allakkatigut akineqareersimanissaat piumasarineqarpoq. Nutserinermi paatsuungasoqassatillugu kalaallisut allassimasooq aallaavigineqassaaq.